



OPĆINSKO VIJEĆE ILIJAŠ

Odgovori na vijećnička pitanja i inicijative sa 16. sjednice Općinskog vijeća Ilijaš održane dana 30.01.2018.godine

Ilijaš: Februar 2018.godine

Općina Ilijaš, ulica 126. ilijske brigade br. 6., 71380 Ilijaš
tel. (++387 33) 580-620, fax. 400-505, e-mail o_ilijas@bih.net.ba
Služba za saobraćaj, stambeno-komunalne poslove i građenje
tel. (++387 33) 580-633, 580-672, 580-669

ISO 9001
BUREAU VERITAS
Certification



Broj certifikata:CR14625Q

MUAMER DERVIŠEVIĆ – vijećnik SDA

Inicijativa:"Pokrećem inicijativu kojom tražim da se proslijedi Vladi Kantona Sarajevo I nadležnom ministarstvu da u toku 2018.godine planira otvaranje Centra za komunalne usluge na području općine Ilijaš, na način kako se planira otvaranje istog u nekim drugim općinama u Kantonu Sarajevo, kako bi građanima Ilijaša bilo omogućeno plaćanje komunalnih usluga bez provizije.

Obrazloženje: S obzirom da je općina Ilijaš jedna od udaljenijih općina od centra Kantona, kao i Centra koji je otvoren u općini Novo Sarajevo za naše građane općine Ilijaš. Navedeni Centar ne predstavlja to za što je otvoren, s obzirom da bi cijena odlaska građana iz Ilijaša do Centra u Novom Sarajevu koštala puno više nego provizija koju bi platili bankama za plaćanje komunalnih usluga".

Odgovor:Inicijativa je dostavljena Vladi Kantona Sarajevo i nadležnom Ministarstvu.

ARMIN MATORUGA – vijećnik SDA

Obzirom da mi nije odgovoreno, odnosno da mi nije dostavljen odgovor na inicijativu sa dvije prethodne sjednice istu ponavljam u cijelosti.

Inicijativa:"Pokrećem inicijativu prema JP"Elektroprivreda BiH"d.d.Sarajevo s ciljem izgradnje transformatorske stanice za naselje Karaula, odnosno Gornja Karaula. Obrazloženje: Mjesna zajednica Stari Ilijaš se u više navrata obraćala spomenutom javnom preduzeću i povratnim aktom broj: 03-4-34222-34076/2012 je odgovorila da je izgradnja trafostanice planirana u periodu od 2014-2017. godine. Obzirom da je 2017. godina na izmaku, zanima me kada je stvarno planirana izgradnja trafostanice Karaula i do kada će građani Karaule uredno plaćati neadekvatnu isporuku električne energije od strane Elektroprivrede Sarajevo"?

Odgovor:Inicijativa je i treći put dostavljena Elektrodistribuciji Sarajevo i do slanja materijala za 17.sjednicu Općinskog vijeća Ilijaš nismo dobili odgovor.

SEMIR DIZDAREVIĆ – samostalni vijećnik

Inicijativa:"Pokrećem inicijativu da se postavi ograda ili bankina uz most u Misoči (most prije područne škole iz pravca Mlina) koji je na rijeci Misoči iz naselja Pušine.

Obrazloženje: Nakon sanacije korita rijeke Misoče u MZ Misoča potrebno je postavljanje zaštitne ograde oko mosta, jer nema trenutno nikakvih prepreka. To znači da u slučaju saobraćajne nesreće u samoj blizini mosta koji je generalno uzak može doći do upadanja vozila u rijeku i slično. Isto tako, djeca koja idu u školu su svakodnevno izložena riziku što je nedopustivo. Molim vas da se sa obje strane mosta postavi po 5m sa svake strane, zaštitna ograda ili adekvatna bankina".

Odgovor:Služba je izašla na lice mjesta, utvrdila činjenično stanje i u skladu sa planiranim sredstvima u Budžetu, vidjet će mogućnost rješavanja ovog problema.

Služba za saobraćaj,
stambeno-komunalne poslove i građenje